

ORDENANZA FISCAL REGULADORA DA TAXA POLA UTILIZACIÓN PRIVATIVA DO CEMITERIO MUNICIPAL DO CONCELLO DE AMES.

Artigo 1º .-Fundamento e natureza

En uso das facultades conferidas polos artigos 133.2 e 142 da Constitución e polo artigo 106 da Lei 7/1985, do 2 de abril, Reguladora das Bases do Réxime Local, e de conformidade co disposto nos artigos 15 a 19 do Real Decreto Lexislativo 2/2004, de 5 de marzo, polo que se aproba o Texto Refundido da Lei Reguladora das Facendas Locais este Concello establece a taxa pola utilización privativa do cemiterio municipal de Ames, que se rexerá pola presente ordenanza fiscal, que nas súas normas atende ó previsto no artigo 57 do citado Real Decreto Lexislativo.

Artigo 2º .-Feito imponible

Constitúe o feito imponible desta taxa a utilización privativa de cada nicho, tumba, panteón ou columbario do cemiterio municipal de Ames, que constitúe o dereito funerario, segundo as modalidades previstas no seu regulamento, para o que deberase ter outorgada a concesión administrativa necesaria.

Non estará suxeito á taxa a inhumación en unidades de enterramento reservadas polo concello para casos de emerxencia social.

Artigo 3º .-Suxeito pasivo

Serán suxeitos pasivos da taxa prevista nesta ordenanza as persoas físicas ou xurídicas e as entidades ás que se refire o artigo 35.4 da Lei Xeral Tributaria titulares das concesións para a ocupación de cada nicho, tumba, panteón ou columbario do cemiterio municipal de Ames, que constitúe o dereito funerario.

Artigo 4º .-Responsables.

Responderán solidaria e subsidiariamente da débeda tributaria deste tributo as persoas ou entidades ás que se refiren os artigos 42 e 43 da Lei Xeral Tributaria, de acordo co previsto neles.

Artigo 5º .- Beneficios fiscais.

Non se concederán máis exencións ou bonificacións que as expresamente previstas nas Leis ou as derivadas de tratados internacionais.

Artigo 6º Base Imponible e Cota tributaria.

A Base imponible deberá preverse nos pregos de condicións de outorgamento de concesións dos nichos, tumbas, panteóns e columbarios do cemiterio municipal de Ames como un mínimo en función do nicho, tumba, panteón ou columbario, que constitúa o dereito funerario, segundo as modalidades previstas no regulamento do cemiterio municipal de Ames

A cota tributaria desta taxa virá determinada:

a) Nos casos de adxudicación a través dun procedemento de licitación e adxudicación, polo valor económico da proposición sobre a que recaia a concesión administrativa que resulte do citado procedemento.

b) Nos casos de solicitude de prórroga da concesión administrativa do dereito funerario, polo valor económico da proposición mais baixa sobre a que teña recaído a concesión administrativa dun dereito funerario similar que resulte do último procedemento de licitación e adxudicación.

c) Nos casos de concesión temporal non renovable polo período mínimo que estableza a normativa de policía sanitaria mortuoria, polo valor económico que resulte do canon anual multiplicado polo número de anos polo que se conceda a concesión temporal non renovable, segundo a lexislación vixente. Sendo o canon anual o resultado de dividir o valor económico da proposición mais baixa sobre a que teña recaído a concesión administrativa no último procedemento de licitación e adxudicación, ou no seu defecto o tipo de licitación, dun dereito funerario idéntico por período de 25 anos dividido entre o período de vixencia desa concesión (25 anos).

Artigo 7º .- Período Impositivo

O Período impositivo coincidirá coa duración da concesión administrativa para a utilización privativa de cada nicho, tumba, panteón ou columbario do cemiterio municipal de Ames, que constitúe o dereito funerario

Artigo 8º .-Realización do feito impositivo e nacemento da obriga a contribuír.

Realízase o feito impositivo e nace a obriga de contribuír, no momento do outorgamento da concesión administrativa ou da súa prórroga, segundo o caso, necesarias para o uso privativo de cada nicho, tumba, panteón ou columbario do cemiterio municipal de Ames

Artigo 9º .-Declaración, liquidación e ingreso

A taxa pola utilización privativa de cada nicho, tumba, panteón ou columbario do cemiterio municipal de Ames esixirase en réxime de autoliquidación.

Nos casos de adxudicación a través dun procedemento de licitación e adxudicación, os documentos de pago serán proporcionados polo concello xunto a notificación da proposición de adxudicación da concesión administrativa do dereito funerario do cemiterio municipal de Ames e os ingresos se farán efectivos de acordo co seguinte:

1.- A autoliquidación do 50 % da cota tributaria será ingresada no prazo de 10 días hábiles contados a partir da notificación da proposición de adxudicación do dereito funerario do cemiterio municipal de Ames

2.- A autoliquidación do restante 50 % da cota tributaria terá que ser ingresada no prazo de 6 meses contados a partir da notificación da proposición de adxudicación da concesión administrativa do dereito funerario do cemiterio municipal de Ames.

A falta de pago de calquera das autoliquidacións da cota tributaria suporá de forma automática a exclusión do procedemento de adxudicación. O interesado non terá dereito á devolución dos importes ingresados.

Nos casos de solicitude de prórroga da concesión administrativa do dereito funerario, o 100% da cota tributaria terá que ser ingresada de forma previa, utilizando o correspondente documento de pago. O ingreso se acreditará xunto a solicitude de prórroga.

Nos casos de solicitude de concesión temporal non renovable do dereito funerario, o 100% da cota tributaria terá que ser ingresada de forma previa, utilizando o correspondente documento de pago. O ingreso se acreditará xunto a solicitude de concesión temporal non renovable.

Artigo 10º .-Infraccións e sancións.

En todo o relativo á cualificación de infraccións tributarias, así como das sancións que as mesmas correspondan en cada caso, estarase ao disposto nos artigos 181 e seguintes da Lei Xeral Tributaria e disposicións concordantes.

Disposición final.

A presente ordenanza fiscal, aprobada polo Pleno da corporación en sesión do 27 de abril de 2017, entrará en vigor o mesmo día da súa publicación no Boletín Oficial da Provincia, permanecendo en vigor ata súa modificación ou derogación expresas.